

<b>CYNGOR SIR YNYS MÔN</b>	
<b>Adroddiad i:</b>	<b>Pwyllgor Gwaith a'r Cyngor Llawn</b>
<b>Dyddiad:</b>	<b>Pwyllgor Gwaith 24.04.17 Cyngor Llawn 23.05.17</b>
<b>Pwnc:</b>	<b>Gwneud Newidiadau i'r Cyfansoddiad i Adlewyrchu Gofynion mewn perthynas â'r Pwyllgor Cynllunio yn sgil Rheoliadau Diweddar</b>
<b>Aelod(au) Portffolio:</b>	<b>Y Cynghorydd Richard Dew</b>
<b>Pennaeth Gwasanaeth:</b>	<b>Pennaeth Gwasanaeth (Rheoleiddio a Datblygu Economaidd) a Phennaeth Swyddogaeth (Busnes y cyngor)</b>
<b>Awdur yr Adroddiad:</b> Rhif Ffôn: E-bost:	<b>Robyn W. Jones</b> 01248 752134 rwjcs@ynysmon.gov.uk
<b>Aelodau Lleol:</b>	<b>Nid yw'r mater yn ymwneud â wardiau penodol</b>

<b>A – Argymhelliad/Argymhellion a Rheswm/Rhesymau</b>	
<b>Cefndir:</b>	
1.1	Gwneud newidiadau i'r Cyfansoddiad (lle bo hynny'n ofynnol) i adlewyrchu gofynion Rheoliadau Awdurdodau Lleol (Rheolau Sefydlog) (Cymru) (Diwygio) 2017 a Rheoliadau Maint a Chyfansoddiad Pwyllgorau Awdurdododau Cynllunio Lleol (Cymru) 2017. Daeth y Rheoliadau i rym ar 5 Mai 2017.
1.2	Gofynnir i'r Pwyllgor Gwaith argymhell i'r Cyngor Llawn wneud y newidiadau a argymhellir yn yr adroddiad hwn a gofynnir i'r Cyngor Llawn wneud y newidiadau hynny.
<b>Y Rheoliadau:</b>	
2.1	Mae'r Rheoliadau'n rhoi'r gofynion canlynol ar y Cyngor fel Awdurdod Cynllunio Lleol:
2.1.2	Dylai Pwyllgor Cynllunio'r Cyngor ("y Pwyllgor") fod ag o leiaf 11 aelod a dim mwy na 21 aelod. Mae gan y Pwyllgor 11 o aelodau felly mae'n bodloni'r gofyniad hwn ac nid oes angen gwneud unrhyw newidiadau er mwyn ei weithredu.
2.1.3	Ni ddylai nifer aelodau'r Pwyllgor fod yn fwy na hanner cyfanswm aelodau'r Cyngor. Gan fod 11 aelod ar y Pwyllgor a 30 aelod ar y Cyngor mae'r gofyniad hwn hefyd yn cael ei fodloni'n barod. Unwaith eto, nid oes angen gwneud newidiadau.
2.1.4	Yn achos wardiau aml-aelod, ni chaniateir i fwy nag un aelod o unrhyw ward fod yn aelod o'r Pwyllgor Cynllunio. Fodd bynnag, nid yw'r rheol hon yn berthnasol i Gyngor sydd â wardiau aml-aelod yn unig. Gan mai Cyngor o'r fath yw'r Cyngor hwn nid yw'r ddarpariaeth

hon yn berthnasol, felly nid oes angen gwneud newidiadau.

- 2.1.5 Mae'n rhaid i gworwm y Pwyllgor Cynllunio fod o leiaf hanner ei aelodau wedi ei dalgrynnu i fyny i'r rhif cyfan agosaf. Golyga hyn mai 6 fydd cworwm y Pwyllgor a bydd y Cyfansoddiad yn cael ei newid er mwyn gweithredu'r gofyniad hwn. Ar hyn o bryd, mae'r Cyfansoddiad yn datgan mai chwarter yr aelodau yw'r cworwm ar gyfer y Pwyllgor.
- 2.1.6 Ni fydd gan Bwyllgor Cynllunio aelodau dirprwyol. Nid yw'r Cyngor hwn yn caniatáu aelodau dirprwyol felly mae'n cydymffurfio â'r gofyniad hwn. Fodd bynnag, gan fod rhaid newid y rheoliadau sefydlog i ymgorffori'n benodol y gofyniad hwn argymhellir ychwanegu darpariaeth yn y Cyfansoddiad er mwyn cydymffurfio â'r Rheoliadau.

### Argymhellion

- 3.1 Mae'r argymhellion fel a ganlyn:

#### I'r Pwyllgor Gwaith:

- 3.2 Argymell i'r Cyngor Llawn bod y newidiadau y manylir arnynt isod yn cael eu gwneud i Gyfansoddiad y Cyngor.

#### I'r Cyngor Llawn:

- 3.3 I wneud y newidiadau canlynol i Gyfansoddiad y Cyngor er mwyn gweithredu gofynion y Rheoliadau:
- 3.3.1 Ar ddiwedd paragraff cyntaf adran 3.4.3 y Cyfansoddiad ychwanegu'r brawddegau canlynol: **“Cworwm y Pwyllgor fydd o leiaf hanner ei aelodau wedi ei dalgrynnu i fyny i'r rhif cyfan agosaf (sef 6). Ni chaniateir penodi aelodau dirprwyol ar gyfer y rheini a benodwyd i eistedd ar y Pwyllgor.”**
- 3.4 Dirprwyo hawl i'r Pennaeth Swyddogaeth (Busnes y Cyngor) wneud y newidiadau angenrheidiol i'r Cyfansoddiad ac i weithredu penderfyniad y Cyngor.

### **B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?**

Mae'r adroddiad hwn yn gweithredu gofynion deddfwriaethol ac nid oes disgrisiwn ynglŷn â'r mater.

### **C – Am ba reswm y mae hwn yn benderfyniad i'r Pwyllgor Gwaith?**

Mae gweithredu gofynion y Rheoliadau'n gofyn am newid y Cyfansoddiad ac er mwyn gwneud hynny mae'n rhaid cyflwyno adroddiad yn gyntaf i'r Pwyllgor Gwaith.

**CH – A yw'r penderfyniad hwn yn gyson â'r polisi a gymeradwywyd gan y Cyngor llawn?**

Mae'r rhain yn newidiadau deddfwriaethol.

**D – A yw'r penderfyniad hwn o fewn y gyllideb a gymeradwywyd gan y Cyngor?**

Nid oes oblygiadau o ran y gyllideb ynghlwm â'r newidiadau hyn.

<b>DD – Gyda phwy wnaethoch chi ymgynghori?</b>		<b>Beth oedd eu sylwadau?</b>
1	<b>Prif Weithredwr / Uwch Dim Arweinyddiaeth (UDA)</b> (mandadol)	Dim sylwadau
2	<b>Cyllid / Adran 151</b> (mandadol)	I'w disgwyl
3	<b>Cyfreithiol / Swyddog Monitro</b> (mandadol)	Mae ymgynghorydd cyfreithiol y Pwyllgor yn gydawdur i'r adroddiad.
4	<b>Adnoddau Dynol (AD)</b>	Amherthnasol
5	<b>Eiddo</b>	Amherthnasol
6	<b>Technoleg Gwybodaeth Cyfathrebu (TGCh)</b>	Amherthnasol
7	<b>Sgriwtini</b>	Amherthnasol
8	<b>Aelodau Lleol</b>	Nid yw'r mater yn ymwneud â wardiau penodol
9	<b>Unrhyw gyrff allanol / arall/eraill</b>	Amherthnasol

**E – Risgiau ac unrhyw gamau lliniaru (os yn berthnasol)**

1	<b>Economaidd</b>	Amherthnasol
2	<b>Gwrthdodi</b>	Amherthnasol
3	<b>Trosedd ac Anhrefn</b>	Amherthnasol
4	<b>Amgylcheddol</b>	Amherthnasol
5	<b>Cydraddoldebau</b>	Amherthnasol
6	<b>Cytundebau Canlyniad</b>	Amherthnasol
7	<b>Arall</b>	Amherthnasol

**F - Atodiadau:**

Dim

**FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):**

Dim